

嚕佉摩護囉識一切群生圍遶禮拜彼諸衆
生離一切怖皆得安樂時尊者羅睺羅及諸
大衆聞世尊說一心信受禮佛而退

大毘林聖難拏陀羅尼經

佛說諸行有爲經

宋西天印度摩伽陀國三藏傳教大師賜紫法天奉 諱

如是我聞一時世尊在舍衛國祇樹給孤獨
園與大苾芻衆千二百五十人俱爾時世尊
告苾芻衆言苾芻一切行遷流如幻不實不

得久住無有定相是顛倒法苾芻乃至一切
行垢盡無染離一切垢一切衆生乃至蠕動
及部多等至壽命盡決定殞滅若彼無生即
當無滅若彼長者婆羅門刹帝利種族殊勝
豪貴自在財富無量金銀珍寶及諸受用無
所乏少雖有父母眷屬親姻知識吏民僮僕
六四皆悉具足至壽命盡亦無能免又復刹帝利
授灌頂已爲大國王得大自在有大力勢人
民無量大地國土皆悉降伏至壽命盡亦復
無免又彼仙人林中諸修行者不貪於味食

諸果實又復遠離果實修諸苦行至壽命盡
亦復無免又彼修諸十善得生四大王天忉
利天夜摩天覩史多天樂變化天他化自在
天又復修行禪定得梵身天梵輔天大梵天
得少光天無量光天極光淨天得少淨天無
量淨天又徧淨天得無雲天福生天廣果天
無想有情天又彼阿那含得無煩天無熱天
善現天喜見天色究竟天又彼厭礙色身修
無邊虛空三昧等得生空無邊處識無邊處
無所有處非想非非想處彼等諸天雖復殊

勝非彼不生亦復殞滅若彼三界漏盡已作
所作遠離重擔速得已利盡諸有結得阿羅
漢雖復此身亦當棄捨又彼刀兵劫自修一
身處於寂淨悟諸因緣得中乘證號辟支佛
雖復此身亦當棄捨乃至如來應正等覺十
力廣六四智七十四圓明說法無畏正師子吼歷無
數勤勞得那羅延身亦復棄捨諸苾芻所謂
如彼窯師造作坏器盆甕之類雖復有成定
從破壞又如果熟自當墮落生滅之法亦復
如是諸苾芻一切有情乃至部多一切含識

至壽命盡無免斯者如無有生即當無滅復
說偈言

如來天中天 說是無常法 如坏器不堅
終趣於破壞 同果熟自落 有情命如是
苾芻今當知 生滅宜應怖

爾時世尊說是經已諸苾芻衆一心信受歡
喜奉行

佛說諸行有爲經

息除中天陀羅尼經

宋西天北印度烏瑟塞國三藏傳法大師賜紫施護奉詔譯

如是我聞一時佛在菟伽河邊與大衆俱及
於護世四火天王多聞天王最爲上首爾時
世尊告四王言有大怖畏深可厭患汝等應
知若男若女童男童女若人若天我觀中天
生大怖畏恒時擾惱各不相救乃至老死甚
大怖畏而無窮盡吾今爲汝說救護法即時
會中四大天王而白佛言世尊我等今日於
世尊前聞此語已踊躍歡喜以身命財奉於